

SULIT

SPSS/OKT2015/DPI2153



**KOLEJ YAYASAN PELAJARAN JOHOR  
PEPERIKSAAN AKHIR**

<b>KURSUS</b>	<b>:</b>	QAWAID FIQHIYYAH
<b>KOD KURSUS</b>	<b>:</b>	DPI2153
<b>PEPERIKSAAN</b>	<b>:</b>	OKTOBER 2015
<b>MASA</b>	<b>:</b>	2 JAM

**ARAHAN KEPADA CALON**

1. Kertas soalan ini mengandungi DUA(2) bahagian: BAHAGIAN A (10 Markah)  
BAHAGIAN B (50 Markah)
2. Jawab SEMUA soalan dari BAHAGIAN A dan BAHAGIAN B.
  - i. Jawab BAHAGIAN A di dalam Borang Jawapan Objektif
  - ii. Jawab BAHAGIAN B di dalam Buku Jawapan. Mula menjawab setiap jawapan di mukasurat baru.
3. Calon tidak dibenarkan membawa masuk sebarang peralatan ke dalam bilik peperiksaan kecuali dengan kebenaran pengawas peperiksaan.
4. Sila pastikan bahan-bahan berikut diperolehi untuk sesi peperiksaan ini:
  - i. Kertas Soalan
  - ii. Borang Jawapan Objektif
  - iii. Buku Jawapan

---

**JANGAN BUKA KERTAS SOALANINI SEHINGGA DIBERITAHU**

*KERTAS SOALANINI MENGANDUNG 7 HALAMAN BER CETAK TERMASUK MUKA HADAPAN*

---



**BAHAGIAN A**

Bahagian ini mengandungi SEPULUH (10) soalan. Jawab semua soalan di dalam Borang Jawapan Objektif

1. Nordin tidak berupaya untuk membayar ansuran bulanan kereta Camry miliknya selama 3 bulan berturut-turut. Apakah kaedah yang boleh digunakan oleh bank untuk mewajarkan tindakan menarik kereta Nordin.
  - a. Kesukaran menarik kemudahan
  - b. Adat menjadi sumber hukum
  - c. Bahaya mesti dihilangkan
  - d. Yakin tidak hilang dengan keraguan
2. Kaedah di bawah adalah pecahan dari kaedah yakin tidak hilang dengan keraguan melainkan:
  - a. Setiap yang berlaku diambil kira masa paling hampir
  - b. Asal sesuatu hukum adalah harus dijumpai dalil pengharamannya
  - c. Hukum asal pada sesuatu ucapan dikira maknanya yang hakiki
  - d. Asalnya seseorang bebas dari tanggungjawab
3. Seorang ejen harta tanah ingin menjual sebidang tanah kepada seorang peladang sedangkan dia tahu tanah itu berstatus tanah untuk perumahan.
  - a. Asal sesuatu adalah harus
  - b. Bahaya mesti dihilangkan
  - c. Adat menjadi sumber hukum
  - d. Yakin tidak hilang dengan keraguan
4. *Al dharurah tuqaddar bi qadariha* bermaksud
  - a. Apabila keadaan menjadi sukar diberi kemudahan
  - b. Apabila keadaan menjadi mudah hukum kembali kepada asal
  - c. Kesukaran membawa kemudahan
  - d. Kharurat ditentukan menurut kadarnya

5. Kitab pertama dikarang berkenaan kaedah fiqh ialah

- a. *Ta'sis annazar*
- b. *Asybah wa nazair*
- c. *Khatimah majami alhuquq*
- d. *Al-Mustasfa*

6. Bunga yang dikenakan ke atas pinjaman bank boleh diharuskan dengan alasan

- a. *Al-Dhoror yuzal*
- b. *Al-Masyaqah tajlib taisir*
- c. *Al-Yaqin la yuzalu bi syak*
- d. *Al- a'dah muhakkamah*

7. Nabi Muhammad pernah menyuruh seorang sahabat menebang sebatang pokok kurma miliknya yang memudaratkan jirannya, ini menjadi sandaran kaedah;

- a. Bahaya mesti dihilangkan
- b. Setiap urusan mesti disertai niat
- c. Keyakinan tidak hilang dengan keraguan
- d. Adat menjadi hukum.

8. Terjemahkan kaedah ini; *iza dhoqo al-amru ittasa'*

- a. Bila sukar suatu perkara ia menjadi mudah
- b. Bila mudah suatu perkara ia menjadi susah
- c. Kesusahan menarik kemudahan
- d. Keyakinan mesti dihilangkan

9. Setiap perkara mesti disertakan dengan tujuan

- a. Allah mahukan kemudahan ke atas kamu dan tidak mahu kesusahan ke atas kamu
- b. Hanya sanya setiap amalan itu dengan niat
- c. Tidak bersepakat ummat ku di dalam melakukan kesalahan
- d. Kesusahan menarik kemudahan

10. Puan Afifah mengalami kanser pangkal rahim. Doktor berpendapat untuk mengelak kanser dari merebak ke organ lain, rahim mesti dibuang. Apakah kaedah yang boleh dilihat oleh Puan Afifah untuk membuat pilihan.

- a. Tidak boleh menolak mudarat dengan mudarat
- b. Menolak mudarat lebih utama dari mengambil manfaat
- c. Mudarat yang besar boleh dihindarkan dengan melakukan mudarat yang ringan
- d. Bahaya mesti dihilangkan

(10 markah)

**BAHAGIAN B**

Bahagian ini mengandungi LIMA (5) soalan. Jawab semua soalan di dalam Buku Jawapan.

**SOALAN 1**

- a. Apakah pengertian ilmu kaedah fiqh.  
(2 markah)
- b. Sebutkan **TIGA (3)** faktor kemunculan ilmu kaedah fiqh  
(3 markah)
- c. Nyatakan **LIMA (5)** faedah mempelajari ilmu kaedah fiqh.  
(5 markah)

**SOALAN 2**

- a. Jelaskan bagaimanakah ilmu kaedah fiqh menyokong ilmu fiqh dan usul fiqh untuk membantu seorang faqih memberikan jawapan kepada sesuatu isu moden berkaitan perbankan dan kewangan .  
(6 markah)
- b. Sebutkan **EMPAT (4)** kitab kaedah fiqh dan nama pengarangnya.  
(4 markah)

**SOALAN 3**

- a. Jelaskan maksud kaedah al-Umur bi Maqasidiha .  
(2 markah)
- b. Sebutkan **DUA (2)** kaedah pecahan dari kaedah ini berserta contoh.  
(4 markah)

c. Berikan hukum bagi masalah berikut dengan berpandukan kaedah diatas:

- i. Seorang suami telah berkata kepada isterinya "awak boleh balik ke rumah mak bapak awak" selepas bergaduh dengan niat untuk menceraikan isterinya.
- ii. Seseorang telah berniat bersedekah kepada syarikat Sport Toto ketika membeli nombor pertaruhan 4 angka
- iii. Seorang telah mencarum sebanyak RM200 setiap bulan di dalam insuran takaful keluarga dengan harapan apabila ditimpa musibah dia akan menerima pampasan sebanyak RM200,000.
- iv. Seseorang telah bersumpah tidak mahu melakukan persetubuhan dengan isteri-isterinya tetapi dalam hatinya berniat untuk isteri pertama sahaja

(4 markah)

#### SOALAN 4

a. Jelaskan maksud kaedah kesukaran membawa kemudahan

(2 markah)

b. Berikan DUA (2) sumber kaedah ini dari al-Quran dan as-Sunnah.

(2 markah)

c. Bincangkan hukum seorang wanita menjadi ibu tumpang kepada bayi yang lahir dari persenyawaan sepasang suami isteri yang tidak mampu mendapatkan anak secara normal jika disorot dari kaedah ini.

(3 markah)

- d. Berikan hukum bagi masalah berikut berpandukan kaedah di atas atau pecahan kaedah ini;
- i. Makan makanan yang telah disahkan oleh Jakim mengandungi DNA khinzir
  - ii. Menggunakan bahan yang menghilangkan untuk menahan kesakitan.
  - iii. Menggadaikan emas dengan syarikat ar-Rahn untuk mendapatkan pinjaman dengan dikenakan upah simpan sebanyak 0.65 sen bagi setiap RM100 yang dipinjam dengan tempoh pinjaman selama 6 bulan.
- (3 markah)

#### SOALAN 5

- a. Jelaskan maksud kaedah al'adah muhakkamah  
(2 markah)
- b. Masalah pembuangan bayi telah menjadi barah dalam masyarakat, berpandukan kaedah al adah muhakkamah, terangkan bagaimana masalah bayi yang dibuang ini dapat diselamatkan.  
(2 markah)
- c. Namakan DUA(2) kaedah pecahan dari kaedah ini  
(2 markah)
- d. Berikan EMPAT (4) syarat adat boleh dijadikan sebagai sumber perundangan di dalam Islam.  
(4 markah)

KERTAS SOALAN TAMAT